



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Misericordiae Palativm

Variis Sacrae-Scripturae Locis, Atque Septem misericordiae operibus quasi
peristromatibus exornatum

Gazaeus, Nicolaus

Augustae Trevirorum, 1618

Quod diuites in pauperum commiserationem ratione calamitatis, quam
infert fames induci debeant c. 4.

[urn:nbn:de:hbz:466:1-54459](https://nbn-resolving.org/urn:nbn:de:hbz:466:1-54459)

Dignius est solio, auxilium quam ferre ru-
enti,

Tradere pauperibus victum?

QVOD DIVITES IN
PAUPERVM COMMISERA-
TIONEM RATIONE CALAMI-
tatis quam infert fames, indu-
ci debeant.

CAPVT IV.

S homo opulentus Sanctorum Patrum
exemplis in pauperum miserationē in-
duci nequeat; si brutorum animantium nō
mouet charitas, & humanitas Elemento-
rum: saltem eū moueat calamitatis cōside-
ratio. Tanta siquidē est huius miseriae mag-
nitude, vt non solum modo corpori necem
inferat, sed etiā plerumq; animam interfi-
ciat. Dum enim corpus famelicū saturatio-
nis remedia inquirat: latrocinij, furtis sa-
crilegijs, mendacijs, falsis denique infi-
stens testimonijs animam iugulat & peri-
mit. Quis crudelitatem famis non mi-
retur? quis non eam vereatur? Intesti-
na namque dum parat bella, hominem ad

Q 2 pro-

20 ESURIENTES PASCERE

propriij corporis vorationem prouocat. Ideoque de Erisichtone fabulantur poëta:

Ouid. S.
Metam.

*Sic epulas omnes Erisichtonis ora profani.
Accipiunt, poscuntque simul: cibus omnis
in illo.*

*Causatibi est, semperque locus fit inanis
edendo.*

Dum inquam hæc, hominis corpus torquet, brutum efficit, quem torquebat hominem. Parat de filiquis porcorum, alimēta hominis, & quæ antea humanitatis erant excrementa, tunc efficit delicatissima sentiari cibaria. Quid ultra? ipsos liberos, parentum facit edulium. *Manus mulierum*

Thren. 4.

4. Reg. 6.

Misericordium (inquit Hieremias) *coxerunt filios suos, facti sunt cibus earum.* Nunquid in Samaria audite sunt mulieres, inter se componentes; de manducatione filiorum?

Ioseph. lib. 7.
bell. Iudaic. c.
7. & 8.

Nobilis quædam Matrona nomine Maria tempore obsidionis vrbis Hierosolymitanæ sub Tito & Vespasiano, proprium filium quem paulò ante genuerat fame cogente assatum deuorauit. Lactantem namque puerum sic allocuta est. O infaustum filium; infœlicem proh dolor! prolem. Cui te miserum asseruabo? Si te conseruauero, si carnibus tuis pepercerero, tabesco fame. Piaculum aggredi fas est cogente necessitate.

tate.

tate. Vt igitur Romanorum te gladius non voret, sis modò chare puer esca matri, & ei quæ tibi vitam concesserat, tua morte vitam tribue. Hisque dictis filium in frustra diffectum, assatumque vorauit. Hic famis crudelitatem attendens D. Augustinus inquit: *Proh dolor! inquinatas carnes, & horrendas escas famis necessitas poscit.* In cibum pietas vertitur, in pabulum suscepta soboles commutatur; ante parricidium geritur quâ ad funestas epulas veniatur. Hæc autem crudelitas oritur ratione peccatorum. Sic indicauit Dominus leuitici 26. *Corripiam vos septem plagis propter peccata vestra; ita ut comedatis carnes filiorum vestrorum, & filiarum vestrarum.* Id ipsum prædixit Ezechiel: in-

Serm. 22.
de temp.

quiens: *Patres comedent filios suos in medio tui, & filij comedent patres suos.* Hoc autem temporibus nostris contigisse testantur annales. Nam post mortem Henrici 7. adeò inualuit fames in regno Bohemiæ & Polonia, vt filij parentum esca fierent; Parentes autem decrepiti, suis carnibus, filijs in alimenta deseruient.

Cap. 5.

in Annalib.
Bohem: &
Polon.

Temporibus Honorij Imperatoris tanta crudelitate fames Romanam urbem cinxerat, vt pluries hæc vox in foro insonaret: *Pone prætium humane carni.* Ac si dicerent:

Procopius
Gazæus

Q 3 Indi-

Handwritten text on the book's spine, including the word "Indica" and other illegible characters.

Indica nobis ô Imperator quanti venundabitur caro mercatorum, quanti Nobilium, vel ignobilium, quanti Adolescentium ac puellarum? Trucidentur nobiles, pereant ignobiles, tradantur ignibus assandæ puellarum carnes, vt inde fortis quisq; alimenta suscipiat. Refert Salustius in exercitu Romanorum tantam fuisse famis crudelitatem, tantamque ciborum indigentiam, vt mortuorum corpora sale condirentur ad aliorum sustentationem. Dicit insuper decimum quemq; militem occisum fuisse, quò aliorum subueniretur penuriæ. Vnde Titus Liuius insignis historiographus famem appellat *ultimum supplicium*. Et reuera benè. Nam vt cum Hieremia loquar; *melius fuit occisis gladio, quam interfectis fame; quoniam isti extabuerunt, à sterilitate terræ*. Ideoque potius famelico compaterer quam nudo, vel captiuo, vel alio quouis miseriarum genere laboranti. Nam in misericordiam prouocat & impellit diuitem, imago mortis quam in facie præ tendit. Vacillant pedes, vox deficit, contrahuntur oculi & præ crudelitate famis in caput se recipiunt; voluitur hinc inde caput, vix etiam cutis ossibus hæret, denique interius exteriorque non miser est, sed ipsa miseria.

3. Dec. lib. 1.

Thren. 4.

Metam. 8.

ria. Ouidium huiuscemodi describentem *Metam.* 8.
audiamus.

*Hirtus erat crinis, caua lumina, pallor in
ore,*

*Labra incana sive scabri rubigine dentes,
Dura cutis, per quam spectari viscera pos-
sent.*

*Ossa sub incuruis extabant arida lumbis.
Ventris erat pro ventre locus, pendere pu-
taret.*

*Pectus, & à spina tantummodo crate tene-
ri, &c.*

Hunc ergo in tantis miserijs constitu-
tum, si conspexeris; nunquid humanitatis
oblitus, aut adamante durior, necessaria
denegabis? Si templi socius, si eiusdem
Ecclesiae filius, si participat in commu-
nitione altaris, ut quid eum à communi
mensa reijcis? An fortè saturari debes, il-
le verò fame tabescere? Absit. Nam & A-
postolus grauitè increpat huiusmodi dif-
cordes inquit: *Alius quidē esurit, alius au-
tem ebrius est. Nunquid domos non habetis ad
manducandum & bibendum? aut Ecclesiam* 1. Corinth. 20.
*Dei contemnitis, & confunditis eos qui non
habent? Quid dicam vobis? Laudo vos?*

Q 4 22

24 ESURIENTES PASCERE

in hoc non laudo. Sed is laude dignus est qui, domum indigentis ingressus alimenta ministrans, inde famem expellit. Qui ad instar Græcorum per substantiæ atque ciborum largitionem flagellat famē, & inquit: *ἐξω βούλιμον*, hoc est, *foras famēs*. Expellite ergò famem, crudelem illam miseriarum omnium illatricem, à domibus viduarum atq; orphanorum, ut post bona opera, laudem mereamini assequi à Domino.



QUALIBVS POENIS
AFFICIENDVS SIT QUI FA-
MELICVM SATVRARE
neglexerit.

CAPVT V.

ANtequam ad præmia Misericordium descendamus, inquirendum nobis est qualibus sint poenis cruciandi qui famelico non subuenerint (quod etiam de cæteris Misericordiæ operibus intelligendum est). In primis erit illis conscientiæ penetrantia corrodens vermis, qui *non morietur*, sed incessanter, sine vlla requie eorum conscientias